

23

Cantan'adunite in bande  
 Per l'elpali e li spiazzi  
 Cu le capillere andante,  
 Senza frisgietti e mandili ;  
 Intreccianu le ghirlande  
 Sffioranu boschi e finili  
 Per fà fest'a *Simunella*  
*Chi, au paese, s'innanella !*

24

Da **Venacu** e da **Vezzani**  
 In seta e curallu fine  
 Da **Tattone** e **Ruspugnani**  
 Un scala che signurine!  
 Si tenenu per le mani  
 E scortanu e so regine ;  
 In testa la più pumposa  
*Luccicheghja la Lamosa !*

25

Eccu à *Diana* di **Vivariu** ;  
 Chi riscontra a *Nucitese* ;  
*Sumerone*, per trafariu  
 Ronca: hai troppu pretese !  
*In tuttu lu circundariu*  
*Un ti demu più le prese !*  
 Le daremu à *Simunella*  
*Chi cume la Luna è bella !*

26

Di e nostre fontane vecchje  
 Ci vulemu licinziane,  
 Hanu impiutu tante secchje  
 Le nostre care fontane!  
 Tante famiglie hanu tecchje  
*D'aqua fresca per cumpane ;*  
 A li so frusti cannoni  
*Demu un basgiu a pizziconi.*

27

Accurdate le pagghjelle  
 Rincocchinu le canzone,  
 Fate saltà le fritelle  
*Ammugliemu lu triscione !*  
 Quantu duranu le stelle  
 Tiri l'aqua a lu cannone,  
 Quant' ai pini c'è biòli  
*Disseti bapi e figliòli.*

Prete Carlotti

---

*Aiacciu, Stamparia di A Muvra.*

